

pública deste expediente na Secretaría do Concello, para que formules as alegacións ou reclamacións que considere oportunas.

Antas de Ulla, a 26 de setembro do 2012. O Alcalde. Asdo. Javier Varela Pérez.

R.4106

## BALEIRA

### *Anuncio*

D. JOSÉ MANUEL VILLAR NEIRA, en representación de Casa Pardo S.C. solicitou neste concello licencia para a construcción de nave de vacún de carne libre, almacén e fosa de purín, segundo proxecto redactado pola enxeñeira técnica agrícola Dª Manuela Vázquez Queizán e visado polo Colexio Oficial de Enxeñeiros Técnicos Agrícolas o 19 de xuño do 2012 (número 366) a emprazar na parcela 50 do polígono 77 da rústica de Baleira, referencia catastral 27004A077000500000ET.

De conformidade co regulado no artigo 8.3 do Decreto 133/2008, do 12 de xuño, polo que se regula a avaliación de incidencia ambiental o expediente sométese ó trámite de información pública por un período de vinte días- que se contarán a partir do último dos anuncios- mediante anuncios no Diario Oficial de Galicia, no Boletín Oficial da Provincia de Lugo e exposición no Taboleiro de Anuncios do Concello. Durante o devandito prazo poderán formularse por escrito as alegacións , reclamacións e/ou observacións que se consideren oportunas en relación ó mencionado expediente.

O expediente poderá consultarse na Casa do Concello de Baleira, de luns a venres de 8:00 a 15:00 horas.

Baleira, 01 de outubro de 2012. O Alcalde. Asdo.: Francisco Acal Eiros.

R.4124

## BARREIROS

### *Anuncio*

Por Acordo Plenario de data de 30 de xullo de 2012, aprobaronse inicialmente as “**Normas reguladoras da organización de acollementos civís no Concello de Barreiros**” e, ó non terse presentado reclamacións durante o período de información pública, a aprobación provisional adquire o carácter de DEFINITIVA, polo que, de conformidade co artigo 70.2 da Lei 7/85, de 2 de abril, Reguladora das Bases de Régime Local, procedese á publicación do texto íntegro para a súa entrada en vigor:

### **“NORMAS REGULADORAS DA ORGANIZACIÓN DOS ACOLLEMENTOS CIVÍS NO CONCELLO DE BARREIROS (LUGO).”**

O concello de Barreiros leva xa moitos anos fomentando, por todos os medios dos que dispón, o respecto da dignidade de todos os nenos e nenas e a calidade de vida dos que habitan no termo municipal, creando as condicións precisas para que poidan gozar da súa infancia.

No respecto da liberdade de elección nos ámbitos educativo, relixioso, cultural e político, o concello ven adoptando medidas para protexer á infancia e fomentar a educación sobre bases de democracia, tolerancia e a posibilidade de plena participación na vida municipal. En particular, vense facilitando o acceso á educación elemental dos nenos e nenas, poñendo a disposición de todos os espazos e os centros escolares, educativos e culturais precisos, nun contexto multicultural e de cohesión social.

Favorécese o acceso igual para todos os nenos e nenas á atención e prevención sanitaria, contribuíndo á promoción da súa saúde mediante accións nos sectores económico, cultural, social e urbanístico.

Promóvese un medio ambiente san, mediante políticas de prevención da contaminación,

incluíndo a contaminación acústica, de aforro de enerxía, xestión, reciclaxe, reutilización e recuperación dos residuos.

Facilitáse a participación activa no deporte e o acceso de todos ás instalacións necesarias para a práctica deportiva.

Os ‘acollementos civís’ ou ‘actos de benvida á comunidade’ dos nenos e nenas de Barreiros institucionalizan o compromiso do concello cos seus dereitos, que son símbolo do progreso da humanidade, e en particular coa Declaración universal dos dereitos do neno de 1959 e coa Convención sobre os dereitos do neno de 1989. Neste contexto, o acollemento civil é un acto de natureza civil e laica que ten por finalidade a presentación dos nenos

e nenas á sociedade, coa pretensión de que se sintan integrados na comunidade e partícipes de dereitos, liberdades e deberes que a todos atinxe.

Con esta cerimonia preténdese iniciar aos nenos e nenas do municipio no longo camiño das actitudes cívicas, que lles conduzan a un porvir pacífico baseado nos valores indivisibles e universais da dignidade humana, a liberdade, a igualdade e a solidariedade. Este obxectivo maniféstase no compromiso dos pais ou representantes legais, xunto cos padriños, con estes valores, para que os cativos se convertan en cidadáns e cidadás libres e iguais en dereitos e deberes.

#### **Artigo 1.- Obxecto.**

Constitúe o obxecto do presente documento a regulación da organización do acto social denominado 'acollemento civil' ou 'acto de benvida á comunidade', en cuja virtude o concello fai público un recoñecemento de acollida ao neno ou nena que naceu e/ou que vive en Barreiros, e se compromete, xunto coa súa familia, a velar pola súa educación e a defender e garantir os seus dereitos.

#### **Artigo 2.- Finalidade.**

O acollemento civil non produce efectos legais nin presupón privilexio algúns ou preferencia do neno ou nena acollido no acceso aos servizos municipais.

Estes actos de benvida á comunidade reafirman o compromiso do municipio por avanzar cara unha sociedade máis libre, xusta e democrática, na que os dereitos dos nenos gocen dunha protección preferente.

#### **Artigo 3.- Suxetos.**

Este acto social está dirixido aos nenos e nenas do concello de Barreiros.

#### **Artigo 4.- Requisitos.**

- a. Estar empadroad no concello de Barreiros.
- b. Non ter unha idade superior a dous (2) anos.
- c. Consentimento dos representantes legais do menor.

#### **Artigo 5.- Procedemento.**

Presentación dunha instancia no Rexistro do concello solicitando a participación no acto social asinada polo representante legal do menor, achegando unha fotocopia dos documentos nacionais de identidade e do libro de familia/documento acreditativo da dita representación legal. A acreditación dos datos padroais farase de oficio polos servizos municipais.

Se a instancia non reunira todos os requisitos, comunicarase a los interesados a non procedencia da súa tramitación ou solicitaráseles a documentación que poda faltar e sexa subsanable. De estar completa tramitarase a petición, comunicándose no termo dun mes ao solicitante o día e o lugar de celebración do acto, tratando de ter en conta as datas que podan solicitar os propios interesados.

Os pais poderán designar dúas persoas como máximo que actuarán como padriños na cerimonia, asumindo os mesmos compromisos que aqueles en canto a formación do neno ou nena nos principios e valores democráticos, e debendo velar polo respecto dos seus dereitos.

#### **Artigo 6.- Celebración.**

No acto de celebración, que terá lugar na Casa do Concello, ou outro local proposto polos interesados sempre e cando o mesmo sexa axeitado e así se aproba previamente polo concello, e será presidido polo alcalde/sa ou concelleiro/a en quien delegue, procederse á lectura ao neno/a e aos seus representantes legais e padriños dos artigos 6, 12 e 27 da Declaración dos dereitos do neno proclamada pola Asamblea Xeral das Nacións Unidas na súa resolución 1386 (XIV), de 20 de novembro de 1989 e os apartados 1,2 e 3 do artigo 27 da Constitución Española.

Os representantes legais e padriños formularán compromiso de educalo/a segundo os principios que se recollen nese texto e nas demais normas vixentes no estado español.

Os actos poderán ser individuais ou colectivos, podendo asistir os familiares e amigos/as do neno ou nena, coas únicas limitacións que impóna o aforo da sala ou espazo no que se realice a cerimonia.

O presidente/a levantarán acta, que será asinada polos representantes legais do neno ou nena e, no seu caso, polos padriños.

### **Disposición derradeira.**

Esta normativa entrará en vigor unha vez publicado o seu texto completo no Boletín Oficial da Provincia, e transcorrido o prazo sinalado no artigo 65.2 en relación co 70.2 ámbolos dous da Lei 7/1985, de 2 de abril, Reguladora das Bases do Réxime Local."

En Barreiros, a 26 de setembro de 2012. O Alcalde.: D. Alfonso Fuente Parga

R.4107

### *Anuncio*

Por Acordo Plenario de data de 30 de xullo de 2012, aprobouse inicialmente o "**Regulamento do Servizo de voluntariado do Concello de Barreiros**" e, ó non terse presentado reclamacións durante o período de información pública, a aprobación provisional adquiere o carácter de DEFINITIVA, polo que, de conformidade co artigo 70.2 da Lei 7/85, de 2 de abril, Reguladora das Bases de Réxime Local, procedese á publicación do texto íntegro para a súa entrada en vigor:

### **"REGULAMENTO DO SERVIZO DE VOLUNTARIADO DO CONCELLO DE BARREIROS.**

#### **EXPOSICIÓN DE MOTIVOS:**

Dado que hoxe en día o voluntariado se pode considerar unha forma de iniciativa social na que a sociedade participa executando actuacións dirixidas á satisfacción dos intereses xerais, e especialmente á erradicación de situacións de marxinación e á construcción dunha sociedade solidaria na que tódolos cidadáns gocen dunha calidade de vida digna; dende o Concello de Barreiros promóvese a creación dunha Rede de Voluntariado Local.

Esta Rede de Voluntariado Local vai ser unha acción dos nosos cidadáns na atención de necesidades expresada dende a liberdade de actuación e o altruísmo.

A Constitución española no seu artigo 9.2 establece a obrigación dos poderes públicos de promover as condicións para que a liberdade e a igualdade dos individuos e dos grupos en que se integran sexan reais e efectivas, remover os obstáculos que impidan ou dificulten a súa plenitude e facilitar a participación de tódolos cidadáns na vida política, económica, cultural e social, como manifestación da solidariedade cidadá en beneficio da comunidade. A nivel de Estado, promúlgase nesta liña a Lei 6/1996 de 15 de xaneiro do Voluntariado, limitando a súa actuación a entidades tanto públicas como privadas, de ámbito estatal ou internacional.

Outras normas que reflicten disposicións que afectan ó voluntariado son o Estatuto de Autonomía de Galicia, no seu artigo 4.2 recolle en termos semellantes o recollido no artigo 9.2 da Constitución Española; e a Lei 13/2008 de 3 de decembro de Servizos Sociais reflexa disposicións que afectan ó voluntariado.

Por último a nivel autonómico a Lei 10/2011, do 28 de novembro, de Acción Voluntaria, establece como obxecto a ordenación e o fomento da participación solidaria e altruista da cidadanía nas actividades de acción voluntaria organizadas por entidades de acción voluntaria ou directamente pola Administración Autonómica ou polo Administración Local para o desenvolvemento de programas concretos.

### **1º.- OBXECTO E DEFINICIÓN DE VOLUNTARIADO MUNICIPAL.**

O presente regulamento ten como obxecto a regulación e xestión do voluntariado e os requisitos, procedementos e normas necesarios para acceder á Rede de Voluntariado Local do Concello de Barreiros.

Entendendo por Voluntariado Local o conxunto de actividades realizadas:

- De modo altruista, desinteresado e solidario.
- De carácter voluntario e libre.
- Sen contraprestación económica.
- Quedando excluídas aquelas que se desenvolvan dende unha relación laboral, mercantil ou funcional de calquera tipo e as illadas, esporádicas ou realizadas por razóns de benevolencia, amizade ou boa vecindade.

Para os efectos deste Regulamento non terán a consideración de acción voluntaria:

- As actividades que sexan realizadas de forma espontánea así como as consideradas como prácticas, aprendizaxes ou experiencia profesional.